

LIGJ
Nr. 13/2024

**PËR RATIFIKIMIN E PROTOKOLLIT NDRYSHUES TË MARRËVESHJES
NDËRMJET PALËVE TË KONVENTËS SË BASHKËPUNIMIT POLICOR PËR
EVROPËN JUGLINDORE PËR SHKËMBIMIN E AUTOMATIZUAR TË TË DHËNAVE
TË ADN-së, DAKTILOSKOPIKE DHE TË TË DHËNAVE TË REGJISTRIMIT TË
AUTOMJETEVE, I RATIFIKUAR ME LIGJIN NR. 13/2019**

Në mbështetje të neneve 78, 83, pika 1, dhe 121, pika 1, të Kushtetutës, me propozimin e Këshillit të Ministrave,

KUVENDI
I REPUBLIKËS SË SHQIPËRISË

VENDOSI:

Neni 1

Ratifikohet protokollin ndryshues i marrëveshjes ndërmjet palëve të Konventës së Bashkëpunimit Policor për Evropën Juglindore për Shkëmbimin e Automatizuar të të Dhënave të ADN-së, Daktiloskopike dhe të të Dhënave të Regjistrimit të Automjeteve, i ratifikuar me ligjin nr. 13/2019, sipas tekstit që i bashkëlidhet këtij ligji dhe është pjesë përbërëse e tij.

Neni 2

Ky ligj hyn në fuqi 15 ditë pas botimit në Fletoren Zyrtare.

Miratuar në datën 8.2.2024.

Shpallur me dekreten nr. 83, datë 23.2.2024, të Presidentit të Republikës së Shqipërisë, Bajram Begaj.

PROTOKOLL

**PËR NDRYSHIMIN E MARRËVESHJES NDËRMJET PALËVE TË KONVENTËS SË
BASHKËPUNIMIT POLICOR PËR EVROPËN JUGLINDORE PËR SHKËMBIMIN E
AUTOMATIZUAR TË TË DHËNAVE TË ADN-së, DAKTILOSKOPIKE DHE TË TË
DHËNAVE TË REGJISTRIMIT TË AUTOMJETEVE**

Republika e Shqipërisë, Republika e Austrisë, Republika e Bullgarisë, Hungaria, Republika e Moldavisë, Mali i Zi, Republika e Maqedonisë së Veriut, Rumania dhe Republika e Serbisë,

duke dëshiruar të ndryshojnë Marrëveshjen ndërmjet Palëve të Konventës së Bashkëpunimit Policor për Evropën Juglindore për shkëmbimin e automatizuar të të dhënave të ADN-së, të dhënave daktiloskopike dhe të të dhënave të regjistrimit të automjeteve (në vijim e referuar si “Marrëveshja”), në mënyrë që të qartësohen dispozitat mbi përparësinë e legjislacionit të Bashkimit Evropian për anëtarët e Bashkimit Evropian dhe kompetencat ekskluzive të Komisionit Evropian për të marrë vendimet e duhura, në lidhje me nivelin e mbrojtjes së të dhënave në shtetet e treta,

bien dakord për sa vijon:

Neni 1

Në nenin 12 të marrëveshjes teksti aktual do të përcaktohet si paragrafi 1 dhe do të shtohet paragrafi 2 i ri vijues:

“2. Kjo Marrëveshje nuk synon të vërtetojë nëse një vend i tretë për Bashkimin Evropian siguron ose jo një nivel të mjaftueshëm të mbrojtjes së të dhënave sipas legjislacionit të BE-së dhe, në veçanti, brenda kuptimit të direktivës (BE) 2016/680.”.

Neni 2

Në nenin 22 të marrëveshjes do të shtohet paragrafi 3 i ri vijues:

“3. Në lidhje me këtë Marrëveshje ose cilëndo marrëveshje që e zbaton atë, Palët që janë anëtare të Bashkimit Evropian, në marrëdhëniet e tyre të ndërsjella, do të zbatojnë rregullat e Bashkimit Evropian, në masën që ekzistojnë rregulla të Bashkimit Evropian të cilat rregullojnë këtë çështje të veçantë.”.

Neni 3

1. Ky Protokoll do të jetë i hapur për nënshkrim nga çdo Palë e Konventës së Bashkëpunimit Policor për Evropën Juglindore (PCC SEE).

2. Ky Protokoll i nënshtrohet ratifikimit, pranimi ose miratimit të palëve nënshkruese të tij. Instrumentet e ratifikimit, pranimi ose miratimit do të depozitohen te Depozitari i Marrëveshjes.

3. Një Palë e PCC SEE-së nuk mund të ratifikojë, pranojë ose miratojë këtë Protokoll, përveç nëse më parë ose njëkohësisht ka ratifikuar, pranuar, miratuar ose aderuar në Marrëveshje.

4. Pas nënshkrimit të këtij Protokoll dhe para hyrjes në fuqi të tij, një Palë e PCC SEE-së nuk mund të ratifikojë, pranojë, miratojë ose aderojë në Marrëveshje, përveç nëse kur njëkohësisht ka ratifikuar, pranuar ose miratuar këtë Protokoll.

5. Asnjë rezervë nuk mund të bëhet në këtë Protokoll.

Neni 4

1. Ky Protokoll do të hyjë në fuqi pas ratifikimit, pranimi ose miratimit nga të gjitha Palët e Marrëveshjes që nga data e nënshkrimit të këtij Protokoll, në ditën e gjashtëdhjetë pas datës së depozitimit të instrumentit të fundit të ratifikimit, pranimi ose miratimit. Për secilën palë nënshkruese që shpreh pëlqimin për të qenë palë e këtij Protokoll, ai do të hyjë në fuqi në ditën e gjashtëdhjetë pas depozitimit të instrumentit të tij të ratifikimit, pranimi ose miratimit.

2. Çdo Palë e PCC SEE-së që nënshkruan, ratifikon, pranon ose miraton këtë Protokoll mund të deklarojë se do të zbatojë përkohësisht nenet 1 dhe 2 të këtij Protokoll deri në hyrjen në fuqi të Protokollit.

3. Sapo ky Protokoll të hyjë në fuqi, Depozitari do të vendosë tekstin e Marrëveshjes siç është ndryshuar nga ky Protokoll dhe do të dërgojë një kopje të vërtetuar të Marrëveshjes së ndryshuar te të gjitha Palët e PCC SEE-së.

4. Çdo Palë e PCC SEE-së që aderon në Marrëveshje pas hyrjes në fuqi të këtij Protokoll, mund të bëhet vetëm Palë e Marrëveshjes së ndryshuar nga ky Protokoll.

5. Ky Protokoll do të mbetet në fuqi për një periudhë të pacaktuar kohe. Sidoqoftë, ai do të pushojë së qeni në fuqi në të njëjtën kohë kur Marrëveshja pushon së qeni në fuqi.

Në dëshmi të kësaj, të nënshkruarit, duke qenë të autorizuar sipas rregullave, kanë nënshkruar këtë Protokoll:

Për Republikën e Shqipërisë

Për Republikën e Austrisë

Për Republikën e Bullgarisë

Për Hungarinë

Për Republikën e Moldavisë

Për Malin e Zi

Për Republikën e Maqedonisë së Veriut

Për Rumaninë

Për Republikën e Serbisë

Bërë në, më2021, në një origjinal të vetëm, në gjuhën angleze.